

刀山火鄉之難二十四獄之中三掠得充下鬼之役玄都右宮女青律文受者明慎奉行太玄都四極明科曰凡人入室誦經當擇內外每令精感焚香明燈斷絕外因以期神明如此真人降房神清體明冠得神仙

犯律五犯廢功斷事不得又仙十犯死八地獄三塗之中萬劫還充下鬼之役玄都右宮女青律文受者明慎奉行

太玄都四極明科曰凡以供養寶經之具凡案中帳不得妄借於人此悉有玉女玉童典衛典錄不可輕忽五犯伐功斷事不得又仙十犯考及己身死入地獄三塗之中萬劫還生賤人之道玄都右宮女青律文受者明慎奉行

太真玉帝四極明科經卷之四

太真玉帝四極明科經卷之五 西元

太玄都中宮女青律文

中央黃帝玉司君姓黃諱總生衣黃文之表備九色之章頭戴通天玉寶晨冠治太玄中宮主統無上無下無內無外無表無裏無軟數劫無滯之天主領中央高高山仙官總領五方戊己之兵四司之官莫不隸於玉司之君也主人生死之命知其名存其神修行九年尅得黃霞之輿來迎兆身白日昇天也

太玄都四極明科曰凡有金骨玉名刻字青官於世遭遇經師奉受寶文三十一卷獨立之訣未能遺累絕志幽山拘逼世務或仙資未備亦得於世供養朝夕禮拜如奉君父有夫妻之對亦得修行七經之道氣節應數但不得虧盈天度使氣散神遊混累正真爾夫上真帝景及夫人元君之胤皆得下降有道之人結對景之匹以氣相適亦登運所加理造於斯豈掛濁滯之氣耶既受上法拘在世路當尋七經接而行禮不得輕合陰陽濁穢不節果有斯事突犯齋室一犯萬不得仙三

犯己身七祖父母同考三官罰以刀山食火二十四獄三塗五苦之中萬劫長充下鬼負石之役玄都中宮女青律文受者明慎奉行太玄都四極明科曰上學之士奉受寶經諸師啟盟之後當供奉師宗禮拜恭敬如奉神明入室燒香皆當先存師所在心拜師前然後行事故有告誓之盟結帶之信其儀甚重至不可輕有違盟負誓攻伐師本評論是非得新忘故一犯斷功廢事不得又仙三犯上延七祖己身並充左右二官考罰以刀山食火二十四獄三塗五苦萬劫長充下鬼負石填河之役玄都中宮女青律文受者明慎奉行

太玄都四極明科曰奉受上經諸師登盟上告九天誓萬靈約當寶秘修行道真結盟之後不得綺言妄語欺詐同學誘取經書毀謗師君與造無端露泄寶訣以與不盟罪延七祖充無極之劫履刀山食火鑊械三塗五苦之中己身生世被風刀之考求死不得罪魂充於左官刀山火鄉二十四獄三塗五苦

累劫不原玄都中宮女青律文受者明慎奉行

太玄都四極明科曰凡有金名東宮紫札玉清得受寶經當依科盟傳審有其人骨相合仙鍊戒無虛意懷入真然後告齋受盟而傳

傳付之後弟子負違罪及師身三犯廢功斷事不待又仙五犯死入地獄三塗之中萬劫還生賤人之道玄都中宮女青律文受者明慎奉行

太玄都四極明科曰凡男女同學上清之道共奉師宗入室齋戒燒香禮拜當隨所學深淺上下次第高上女鑿身受三寶奇文登盟備以為第一同有此德先後次之復同年俱備長幼次之皆以上德高稱之才為大洞法師也不得互爭稱已不相推敬無復次序為四司所糾五犯斷功廢事不得又仙十犯身被左官所考死入地獄三塗五苦之中萬劫還生賤人之道玄都中宮女青律文受者明慎奉行

意和美氣誓相參體行同一彼此齊并每令彼此同得道真俱受師經白日昇天不得更相攻伐聞亂同學口舌喧譁誣詆無端師盟既同形色不摧嫉能勝已競求取先遂感各敵如是怨家為四司所糾三犯伐功斷事不得又仙五犯為左官所考罰以刀山食火啖炭二十四獄三塗五苦萬劫不原玄都中宮女青律文受者明慎奉行

太玄都四極明科曰凡詣經師告盟受上清寶經大洞三十九章四極明科當以八節之日送金錄一雙青繒九尺以奉於經師師得此信當連條上學弟子郡縣鄉里姓名年紀生月於九尺青繒之上正中於玄岳絕巖之側北向奏名青宮印齒二十四通微呪曰

大迴氣謝 八道運精 三五應期 九祚代傾 本真玄寂 輔臣帝靈 玉札已御 今奏青名 謹關九府 五岳司靈 記我所列 上聞玉清 三羊之後 來迎甲形 賜乘八景 昇上帝庭 畢聖青繒於絕巖之下如此三年尅有真人 下降語兆神真之道受科不奏此名則青宮

無錄四司所糾則同竊經盜科之罪若師仙化或相去遙遠不得輸送錄物皆當自得施行但錄以自盟奉師之信不得不送於經師爾違一節不送廢功斷事不得又仙三節違盟告下三官罰考風刀死充地獄三塗之掠

萬劫還生非人之道師得信盟不奏罪亦同之玄都中宮女青律文受者明慎奉行 太玄都四極明科曰凡修上道當夷心寂意靜嘿守真出入存念惟道為身齋戒執科計日成仙不得忿怒憤激結氣煩怨罵詈呪詛

引喚鬼神上觸天科殃延考官三犯此禁萬不得仙五犯上延七祖下及己身並充刀山食火啖炭地獄之中三塗五苦萬劫得生不人之道玄都中宮女青律文受者明慎奉行 太玄都四極明科曰凡修上清之道當心念十方壇飛蠢動已生未生成得道真成就不

塗之中二十四獄累劫不原玄都中官女青律文受者明慎奉行

太玄都四極明科曰凡修上清之道當令五藏六府肅清內美外丹上下齊精寶華絡絡神秀鮮明不得飲酒醉亂溢盈翻倒藏府五

神飛驚願念不潔所修不成內疾攻身計日腐零如此之學徒勞心惰五犯科律不得又

仙十犯充重上延七玄己身充責並履刀山地獄之中萬劫乃原得生人道之中玄都中官女青律文受者明慎奉行

太玄都四極明科曰凡受四極明科三天正法佩帶真文恒當沐浴盥洗為急每晨履衣履威索不使污穢真靈遠離凶邪所聚有

犯此禁五犯退削陟真之爵十犯左官所考死入地獄萬劫還生不人之道玄都中官女青律文受者明慎奉行

太玄都四極明科曰凡上學之士受三天正法四明之科不得妄入穢穢哭恠悲淚帶問

死喪五犯伐功斷事不得又仙十犯死入地獄萬劫還生不人之道玄都中官女青律文

受者明慎奉行

太玄都四極明科曰凡上學之士受三天正法四明之科佩帶真文出入三光及臥坐卧息不得露頂不著巾帽及脫衣露形毀慢身

神和辱真文令其靈遠遊空尸獨存三犯不得又仙五犯死入地獄萬劫還生不人之道

玄都中官女青律文受者明慎奉行太玄都四極明科曰凡上學之士受三天正法四明之科不得與陰家共床坐起及外

氣不同法之人共著衣服及同被卧息履履之屬更相交關五犯不得又仙十犯死入地獄三塗五苦萬劫還生非人之道玄都中官

女青律文受者明慎奉行太玄都四極明科曰凡修上清之法不得比向本命之上二處便回觸件玉晨穢慢本真

五犯不得又仙十犯被考左官死入地獄三塗之中萬劫還生不人之道玄都中官女青律文受者明慎奉行

太玄都四極明科曰凡受上清寶經修行日月皇華之道日月寧蝕朔望之日皆天氣攻

伐二象交兵兆當按紫書之訣術而救之不得此法不得修日月之道咀嚼日根之法妄犯此禁不得又仙五犯考屬左官死入地獄三塗五苦之中萬劫還生不人之道玄都中官女青律文受者明慎奉行

太玄都四極明科曰凡受玉清寶經皆當先對告齋依日啓盟而傳若未得啓盟亦當告齋而起經起經竟便盟而度之不盟而付經師與得者同被左右二官所考上延七祖下及兆身並充刀山食火二十四獄三塗五苦之中三捺乃還長充下鬼負石之役玄都中官女青律文受者明慎奉行

太玄都四極明科曰上清寶經禁限甚重上古皆萬劫一出末世求道者寡三天促運須賢者輔正故有七百年限過其人傳若有骨分得受經未周七百年骨簿玉名玄格未定不得便為經師徒有玉骨金藏不得妄傳太上常別達三官司隸四部校尉周行天下有犯得經而泄之人即下文青收其七根付火鄉雙湯一掠燒魂乃履刀山萬劫還充負石

之責已身及輕受之人並充風刀見世之考
求死不得之罪掠竟乃充刀山火鄉之難二
十四獄三塗五苦之中萬劫還補負石之役
玄都中宮女青律文受者明慎奉行

太玄都四極明科曰凡受上清寶經年限未

周遇有金骨玉藏合仙之人求請是經此當
度其於先知法師不得以已未傳塞於求者
之路若勸度三人合真其功德天玉帝右別
告下四司削其罪名有犯上禁一犯不得又
仙三犯死入地獄三塗五苦萬劫還充負石
之役玄都中宮女青律文受者明慎奉行

太玄都四極明科曰凡受上清寶經皆當備
信信以誓心以實於道准於割髮歃血之誓
無信而受經謂之越天道無盟而傳經謂之
泄天寶傳受之人各慎其負一犯不得又仙
三犯七祖已身並充刀山火鄉二十四獄三
塗之中萬劫還充負石之役玄都中宮女青
律文受者明慎奉行

太玄都四極明科曰凡傳上清寶經受弟子
信物三分散之一分投山棲以郵窮乏之士

一分供已法服一分以為弟子七祖立功市
香膏之屬故三合成一其道明也投物於山
棲之日當願天下窮乏之人清苦隱學並早
得道度世界仙免離窮困超過八難作已法
服冠身之日當願兆身與帝皇同色衣冠法

服得帝法則明燈捨香當願弟子及兆之身
七祖父母離刀山三塗五苦地獄之中昇度
南宮反胎更仙事事如法尅得道真違盟負
科考及兆身七祖充責長閉幽泉身履五難
萬劫不原玄都中宮女青律文受者明慎奉
行

太玄都四極明科曰凡受上清寶經資信詣
師未充科限受經之後年數應傳皆不得受
他信入已皆當傳送先師備充先限然後乃
得三分之散爾違科犯律考屬左官一犯伐
功斷事不得又仙三犯上延七祖及己身並
充刀山火鄉二十四獄三塗之中萬劫乃充
下鬼之役玄都中宮女青律文受者明慎奉
行

太玄都四極明科曰凡為經師傳授天寶之

信而三分施散私營他用窮乏之士無有拯
救之惠七玄父母無有拔罪之功已身無有
清潔之服虧神越法三犯不得又仙五犯死
入地獄三塗之中萬劫還生人道之中玄都
中宮女青律文受者明慎奉行

太玄都四極明科曰凡學上清之道常佩科
帶符當以齋戒靜念為務不得遊邀集會住
止凡家數與常侶交關口舌爭計意氣更相
忿恨指引天地觸神犯禁三犯伐削前功不
得又仙五犯死入地獄萬劫還充下鬼負石
填河之役玄都中宮女青律文受者明慎奉
行

高聖太玄女青四極明科百二十條律輔揚
三五翼贊太清上總萬真下統隱靈治正理
氣檢御神仙四司五帝掌別死生上帝之玄
格玉皇之威明秘於九天之上大有之官累
劫無窮不行於世運衝陽九數度交并當傳
於玄名玉骨金藏紫字上清合仙之人得見
此科四司奏名普告五岳三河九源四極靈
官侍衛此形真人下降三元諸房室生寶光

官侍衛此形真人下降三元諸房室生寶光

體映金真可謂妙化不學自仙此學上道以科為先勤心苦行遠尋幽山丹情客感自遇此經得者實秘慎勿示人如是明科九天太真人元始天王太真玉女三天玉童上皇玉帝三十九真南極上元

太素三元紫素元君西龜王毋紫微夫人四司五帝四極真人五岳仙官莫不悉備此科上真無科則帝治不行王典虧廢學不成仙故帝皇所秘不行於世若世有其文則天下無復哭尸之人今三五推運法當下傳故玉帝遣五方神兵左右三官檢制靈文收攝有犯糾察輕傳悉依玄科七百年中遇真而盟施行合法尅得上仙有違收考勿咎真文故以制律幸慎奉行

凡上學之士身受寶經四極明科當以八節太歲本命之日服御上真實符十五首以解兆形宿愆結過消滅風刀水火之考刀山火鄉二十四獄三塗五苦負石填河之責得服此符超出八難玉司削名上注青宮九天上感真人降房得乘飛霞上昇九天

凡有至學之士名參紫簡未備大經亦得單御此符以解宿根樓厄度命漸期神仙別受之日聽得單盟信用上金二兩紫紋四十八以誓九天告齋如具跪而奉傳



東方始青陽霞寶真玉符此欲致青帝玉司君當以立春春分之日黑書青紙東向服之并黑書青縉佩之九年玉司削兆死過度兆生宮遣青霞綠輶迎兆之身也




西方少陰皓靈通真玉符此欲致白帝玉司君當立秋秋分之日黃書白紙西向服之并黃書白縉佩之九年玉司削兆死過度兆生

宮遣飛霞素雲迎兆之身也



南方太陽丹靈洞天玉符此欲致左宮赤帝玉司君當以立夏夏至之日青書赤紙南向服之并青書絳縉佩之九年玉司削兆死過度兆生宮遣丹霞絳輶下迎兆身也



北方太陰玄精玉符此欲致黑帝玉司君當以立冬冬至之日白書黑紙北向服之并白書黑縉佩之九年玉司削兆死過度兆生宮遣玄雲綠輶下迎兆身也



1037A R 149

中央太黃萬始玉符兆欲致黃帝玉司君當
以太歲本命之日向太歲上赤書黃紙服之
赤書黃繒佩之九年玉司削兆死過度兆生
官遣黃霞飛軒下迎兆身上身清之官也

中央太黃萬始玉符兆欲致黃帝玉司君當
以太歲本命之日向太歲上赤書黃紙服之
赤書黃繒佩之九年玉司削兆死過度兆生
官遣黃霞飛軒下迎兆身上身清之官也

金精石髓鍊變九元真符兆欲去離刀山之
難當以本命之日白書青紙服之三年宿罪
消滅真靈下降九年尅得乘龍策虛飛行太
空

逐人鍊形化景陽精真符兆欲去離火鄉咬
炭之難朱書白紙本命日服之三年罪滅九
陰太陽玉真下降兆身九年尅得乘雲策龍
飛行紫虛

九河玄靈龍章玉符兆欲去離負石填河之
役當以本命之日青書黃紙服之三年宿罪
滅根九年河伯出迎入水不沈洪泉萬丈翔
翔青淵大妙之道非真不傳

清微九玄神生洞元之符兆欲不經清微天
左右二官當以月生三日本命之日青書白
紙服之青書白繒佩之清微天官下衛兆身
九年尅致飛霄迎兆之身

禹餘玄精保神王符兆欲不經禹餘天左右
二官當以月生十五日本命之日黃書青紙
服之黃書青繒佩之禹餘天官下衛兆形九
年尅致黃霞玄蓋下迎兆身

赤陽洞炎玄精生身玉符此欲不經大赤天
左右二官當以月生二十五日本命之日朱
書白紙服之朱書白縉佩之赤天之官下衛
兆身九年尅致丹霄飛輿下迎兆身

元始監天解難生魂玉符此欲免度鄴都山
上八獄不經其掠當以甲子甲午十五本命之日
青書白紙服之并青書白縉佩身則玉司右
別超過八難不經獄掠九年真人下降白日
昇天

中玄自然度難更生靈符此欲免度鄴都山
中八獄不經其掠當以甲寅甲申本命之日
黃書青紙服之并黃書青縉佩身則五帝右
別超過八難不經獄掠九年真人下降得乘
飛雲白日昇天

三氣生身還魂寶神之符此欲免度鄴都山
下八獄不經地獄之掠當以甲辰甲戌本命
之日朱書黃紙服之朱書黃縉佩身則五帝
右別超過八難不經獄掠九年得乘飛雲
日昇天也

迴靈三華曜真上符此欲不經風刀水火左
右官考當以本命太歲日黃書白紙服之并
黃書帛佩身則四明除過女青落名玉司列
奏注上三清三年得與真人交言七年飛騰
其道秘妙慎勿輕傳

右真寶符十五首乃高聖太真玉帝所寶
秘藏於高上七映朱房瓊林紫戶玉華之女
八百人侍衛典香玄古之文萬劫一出自無
金名帝圖紫字玉清莫得參聞上相青童君
各封一通於九天之上二十四帝三十九真
流緬萬劫而不滅經隱億載而殊新若有過
得宿挺應仙三塗不履五苦不纏超度地獄
放出八難罪散九陰斷截宿根上解七祖反
魂南軒學無此法徒勞精神結考不釋動入
料門無以自解禍延七玄生死憂惱痛哉可
言兆得此符不學自仙禍考既消自致龍軒

寶而施行以戴此身慎勿流放輕示常人招
天重累及怨道真一如玄都女青律文授受
符者各以其日入室燒香東向叩齒二十四
通呪曰

高聖玉真上聖九玄玉文固魄係形鎮神三
鍊九試我道自然超度鄭都永離刀山三塗
五苦不拘我身上告玉司注我名真青錄紫
簡得道之篇三元齊景九帝同軒得策紫虛
上造昇晨福派七祖同獲上仙畢服符咽液
二十四過如法三年之中禍根既消帝真下
降道成德滿尅自神仙也

凡受上清之道修寶經玉符而不見四極明
科亦萬無成也律以制罪科以檢非學無明
科如盲投光不見通源不解其方行失次第
動入罪鄉上役七祖己身罹殃流離三塗五
苦之中萬劫不解長負河源此欲為學明科
為先見科而學不勞而成洒掃燒香恭奉神
明有犯輒悔明燈中庭吞咽真符消罪係形
玉帝感徹右別兆情玉司無有結罪之目玄
都無有糾罰之名天給童女侍奉此身太微

冠帶於七祖南宮及形於更仙上真妙道動
而奉行

凡有四極明科之身玉司五帝列兆之石上
言青宮高聖太帝以上靈玉童三十六人西
華玉女二十四人奉衛兆身為兆權災却禍
消罪除患糾過賞功通神致真兆當燒香朝
夕禮拜一月三誦科文恒令備誦不得輕忽
穢慢靈文違科犯律玉童所奏左官考罰責
同女青四極科文奉者慎之

四極明科太真玉帝上宮俯仰之格舊經億
劫不傳所以學者如林成者一人一人得仙
皆周千年若使世得明科則天下無復有死
之人是以玉帝秘不下傳有得此科矣向三
人道說靈文身死形殘七祖充刀山至學之
士幸秘玉篇以期神仙必不輕傳

太運之周寶經應行七百年中遇有其人跪
而傳之受科文齋五色錦繡各九十九尺鳳紋
之羅四十八金魚玉龍各一枚玉札一枚長
一尺二寸紀受科年月以封名山本命之岳
無有此盟不得妄傳誓盟負誓考屬左官師

及弟子同充鬼役負山填河萬劫不原

凡授四極明科當對齋書玉札一枚紀某年
某月朔某日某岳先生甲乙年如千歲某月
生命屬東斗青帝君謹於玄嶽高山之巖者
誓九天上受四極明科奉行道真乞注紫簡

言名青宮違盟負誓不敢希仙師北向叩齒
二十四通上啓

高靈玄虛九天大明皇玉帝三十九真上
聖高玄萬仙道君監靈使者侍仙玉郎四司
五帝領真監仙今有上學道士某嶽先生某

修承上法奉受寶經凡如千卷況在末俗未
能騰身抗志玄虛遊宴靈嶽與世不別未見
明科習用負越上犯天靈今依盟齋信投情
委命求受寶訣凡如千事四極明科當如明
文誓身九天約當檢慎閉口奉修存神念真
以期神仙按如年限有其人當關九天然後
而傳不敢輕泄妄以示人上告萬靈下告五
嶽三河九源咸使知聞違盟僣信七祖父母
及甲身長充左右官考復刀山食火二十四
獄三塗五苦萬劫敢恨惟乞啓付降授真靈

